



ЯМДЕ ЛИЙ

1933 ий 1 февраль годсек лектеш.

0+

Йоча пагыт лийже пидалан!

1 июнь – Йоча-влакым аралыме тўнямбал кече

*Изи йоча яндар чонан, эн поро,
Осалым тудо нигöлан ок шоно.
Лыжгай аважлан шыргыжеш, ялт кече,
Куржеш – коеш торагыч пуйто мече.
«Вашке кугу лият», – манеш аваже
Дайыштак шушталеш изи кизажым.
Йоча шочеш сълнештараиш йокрок тўням,
Аралызаньогам, мый сөрвален йодам!
Х. АЛЕКСАНДРОВА*



Фотом еш архив гыч пидан.

Снимкыште Оксана СОРОКИНА
(шөгга, гыч кумшо – «Артек» лагерысе
йолташыже-влак дене пырля.

Оксана Сорокина Йошкар-Ола деч 110

менге öрдыжтö верланыше Руш Шой кыдалаш школышто (Кужэнгер район) 10-шо классым тунемын пытарен. Дневникиштыже – чыла «визытан» отметке. Книгам, поснак поэзийым лудаш йöрата. Школышто – лидер, директорын «пурла кидше»: йоча организацийым вуйлата, проект-влак дене пашам ышта, конкурслаште, олимпиадылаште икымше вер дене палемдалтын. Тунеммаште, мер пашаште сенымашке шумылган финн-угор лагерыште, «Артек» тўнямбал йоча рüдерыште канен. Пытаргыш куанже – «Идалыкын тунемшыже – 2018» республикысе конкурсышто сенымаш.



Идалыкын тунемшыже

Оксана Сорокина шонкала:

– Кенжеж тўналтышын икымше кечынже ме пеш кўлешан да шерге пайремым – Йоча-влакым аралыме тўнямбал кечым – палемдышна. Арамлан огыл кугыен-влак 1 июньым ойырен налыныт. Лач ты кече гыч йоча-влакын каникулышт тўналеш. Пайрем кечын кажне школышто, йочасадыште сълне мурсем, юарлыме йўк йонгеныт. Ик могырым – куанле, а вес велым, шона-

лташ гын, икшывым мо да кö деч аралыман? Вет йочан нимогай титакше уке, шонем. Чоным корштарышыже: титакдыме изи айдеме шкенжым шке арален налын ок керт. Сандене коклан йочам кугыенын торжа койшыж деч аралыман. Кызыт тыгай ен-влакым лынгак вашлияш лиеш. Нуно икшывын кумылжым веле огыл волтат, капкылым эмгатен, тазалыкым лунчыртен кертт. Мемнан ешыштат тиде пайремым кажне ийын палемдена.

ПОДПИСКЕ!

«Ямде лий»
газетлан
возалтса!
Жап шуко
кодын огыл.
Индекс –
914696.
Ак – 298
теңгеат
80 ыр.





85

– Толза!
Пурыза! Пага-
лен ўжына! –
омсам комдык
почын, Мед-
ведево посёл-
кысо 2-шо но-
меран школын
тунемшыже-влакым
вашлийна. Нуно у
пола-
тыштына икым-

ше уна лийыч. Ёдыр-рвезе-влакым
«Ямде лий» газетын эртыме корныж
дене палдарышна, газет кузе ышталме
нерген каласкалышна.

Моло фотом
vk.com/yamde_lii
электрон адрес
дене ончыза.

Марий Эл
Республикыште
ильше-влак!



Поро йўла
почеш 1 июньш-
то тўнямбал пай-
ремым – Йоча-
влакым аралыме
кечым – палемдена. Йоча пагы-
тын пайремже школ каникул да
кенгеж тўнгалме дене келшен
толеш. Тиде эн сай жап: ўшанле
йолташым муыда, шонымашда-
влак шукталтыт, у корно-влак
почылтыт.

Ешым, ава да изи йочан илы-
шыштым аралымам, самырык
тукумым воспитатлаш да шинчы-
машым пуаш чыла йўным ышты-
маш, йоча-влакын праваштым да
законный интересыштым аралы-
маш – нине йодыш-влак респуб-
ликысе Правительствын ыштыме
пашаштыже эн тўн направле-
нийлан шотлалтыт.

Кызыт Марий Элыште шочшан
98 тўжем еш ила, тушто 152
тўжем наре йоча кушкеш. Ме
умылена, йочан илышыже пи-
лан гын, тугеже республикын
демографийжат виянгеш.
Санденак ты сомыл пеш кўле-
шан, вет социальный сферын да
экономикын чыла шўрынжат
тудын дене кылдалтеш.

Ача-ава, педагог да воспита-
тель, медицине да социал
пашаен-влаклан кугу тау. Марий
Эл Республикын ончыкылыкшо
верч кумыл нўлтын тыршымышт-
лан!

А.А.ЕВСТИФЕЕВ,
Марий Эл Республикым
Вуйлатыше.

Кугужаныш йылмым да ИКН предметлам школыш-
тына Миральда Александровна Воробьева туныкта. Тудо
мамнам марла кутыраш тарата, марий калыкын историйжым
да тўвыражым шымлаш шўманда, марий йылме дене кыл-
далтше професийым ойырен
налаш темла.



Валерия
МИХАЙЛОВА.
Морко,
Зеленогорск.

Фестиваль!

Кенгеж икымше кечынак
кугу пайремым – Йоча-влакым
аралыме тўнямбал кечым
– конден. Йоча да самырык-
влакын усталык полатышт
тиде кечын у фестивальым
почеш. Тудо Российыште
йоча-влаклан ешартыш шин-
чымашым пуышо кугужаныш
системылан 100 ий темме
лўмеш пўлеклалтын

Проект 2018 ий 31
августышто иктешлал-
теш.



Марий
Элыште «Йоча
пагытын фестивальже
– 2018» проектлан
старт пуалтын.

Историйым шергалына

1916 ий 4 июньшто
Икымше тўнямбал сарыште
генерал Алексей Алексе-
евич Брусиловын вуйлаты-
мыж почеш руш армийын
Кечывалвел-Касвел фронт-
шо Австро-Венгрийын да
Германийын войскаштым
кырен шалатен. Тиде опе-
раций эн кугу кредалмаш-
лан шотлалтеш. Тудлан
главнокомандующийын лўм-
жым – «Брусиловский про-
рыв» – пуымо.

*Велосипедым шолыштмаш
шукемын. Йолорвадал
шекланыза.*

*Июньшто пеле-
дыш-влак пеледал-
тым, ийшпык
шїжика.*

Звенигово
район Шемшўргў
школын тунемшыже
Наталья Васенина
«Арктур» всероссийский
конкурс-фестивальш-
те вокал номинаций-
ыште сенгышыш
лектын.

Йошкар-
Олан фитнес-
аэробике дене
«Акварин» командыже
Европын чемпионатышты-
же 11-13 ияш ўдыр-влак
коклаште степ-аэробике
номинацийыште ший
медальым сенген
налын.

16 июнь-
ышто Йошкар-
Олаште регион-влак
кокласе «Пеледыш пай-
рем» лиеш. Рўдолашке
Марий Эл Республикын
тўрлў районжо,
пошкудо регионла
гыч уна-влак
толыт.

*Первый ийр
кїдырчан – кенгеж
мучко ийран лиеш.*

*30 майыште
Марий Элыште
2541 выпускник мате-
матике
дене базовый ЕТЭ-м кучен.*



Еш - илыш кече

Алеся Кимовна ден Андрей Александрович Кужнуровмыт Мернур посёлкышто илат. Ушнымыштлан 19 июльышто 16 ий телеш. Алеся Йошкар-Оласе 21-ше номеран профессиональный училищыште кевытчылан тунемын. Специальностьшо денак Мернур райпо кевытыште 19 ий тырша.

Пелашыже Моско олаште водитель-лан пашам ышта, садлан йоча-влак ачаштым каньшлан толмыж годым веле ужыт. Ешыште 3 икшыве кушкеш. Чуно пёртым эрыкташ, кочкаш шолташ полшат. Мошым, кежежым, шыжым пакчаште вјдым шават, шјкшудым кјрыт, йыраылым пушкыдемдат. Мыжым вожсаскам погат – икманаш, аваштлан кугу энгертыш улыт.

– Те самырык еш улыда. Йочам ончен-кушташ, пукшаш, чикташ кўлеш. Могай нелылык дене тўкненда?

– Полшышо деч посна йўсў, а мом ышташ? Шке вий дене толашена. Кугурак ўдыремын изиж годым шке ачам моткоч чот полшен. Кугу таум эре тудлан ойлем. Мый шкежат шуко шочшан еш гыч улам. Мемнан ешыште 11 йоча кушкынна: 8 ўдыр да 3 рвезе. Пўрњен мўнгыштў уке гын, нимынярат куштылго огыл. Йоча-влак черланат гын, эмлан шуко окса кая. Нигуш от пуро, илыш тыгай: окса кўлеш, а тыште паша уке. Садлан пелашемлан тора кундемаш кошташ логалеш. А такшым кугу еш дене илаш сай. Уло кў дене кутыраш, кўлан чонетым почаш. Родо-тукым дене ваш-ваш унала коштына, кертме семын полшена. Кунам тора ола гыч ака, иза, нунын шочшышт да уныкашт-влак толыт, ачава дене погынаш йўратена.

– Те посёлкыштыо иледа. Палаш онгай ыле: ешыште марла кутыреда мо?

– Ешыште марла кутырена, кугурак ўдыремын коваже марла кутыраш туныктен. Пелашем марла огеш кутыро ыле. Марлан мийыдем деч вара туныктышым. Кызыт пеш сайын мутлана. Эргым ден изирак ўдырем марла сайынжак кутырен огыт моштоы.

– Икшывыда-влак дене палдарыза.

– Кугурак ўдырланна – 15 ий. Лўмжў – Аполлиария, 1-ше номеран школышто 8-ше классым тунемын пыта-рен. Ончыч «Ласточка» ансамбльыш коштын. Книгам лудаш йўрата. Медицине колледжыш тунемаш каяш шона.

– Моткоч онгай лўм. Тыгай лўмым колынат омыл. Кў шонен луктын?

– Книгаште шуко кычалынам. Аполлиария мыланем моткоч келшен. Кокымшо шочшына – Владик. Тудо 11 ияш. Тений 4-ше классым тунемын пыта-рен. Немыч йылме келша. Экологий идалык-лан пўлеклалтше проектше дене школышто икымше верым налын, районыштат ончылно лийын. Владик эстетический классыште тунемеш. Нылымше

класс деч вара музыкальный школым пытарыме берген аттестатым пуат. Хореографий, сольфеджио, рисований предмет-влакым келгын тунемыт. Изи ўдырнан лўмжў – Настя. Тудлан улыжат – 2 ий. Йочасадыш огына кошт, садлан мўнгыштў шинчена.

– Алеся Кимовна, философий сынан йодышым пуэм. Мо тыгай еш? Мо тыгай пиал?

– Еш – тиде пўрт тич йоча йўк, пелаш да энгертыш. Еш – тиде кушто тыйым эре вучат, кушто чаманат, йўсў жапыште кидым шуялтат. Пиал – кунам йоча-шамыч сайын тунемыт, кунам ешыште чыла сай, кунам чылан таза улыт.

Х.АЛЕКСАНДРОВА.

Кунам чылан таза улыт...



Фотом еш архив гыч налме.

Аполлиария ден аваже спортлан шјман улыт. Штангы.м, гантельыым нўлтат.


Морко район Коркатово лицей гыч возат.

тудо моткоч пашаче. Авам моткоч тамле когылым кўэштеш.

Юлиана ДЯДИЧКИНА.

Авам – повар. Ешлан тамле кочкышым шолта. Шке пашажым пытарымеке, мыланем урокым ышташ полша.

Никита КРЫЛОВ.



Кўдыронгыр олык



Крымыш Россиясе 23 регион гыч 400 наре тунемше ден туныктышо чумырген.

Национальный президент сымыктыш школын тунемшыже-влакат лийыныт.

Тидын нерген школ директорын алмаштышыже, композиций дене туныктышо

Л.М.НОВИКОВА каласкала:

– Лу кечым Курортный посёлкышто йомакысе гай эртаренна. Шокшо игече, тенгызысе толкын йүк, йырым-йырысе тамле пуш, курык – чылажат кумылым нёлтен да конкурслашке ушнаш үжын. Тунемшыжат, туныктышыжат усталыкнам тергенна. И.К. Айвазовскийын галерейшыкыже, Керчь олесе Курымашлык тул воктеке да шуко моло вере экскурсий дене коштынна.

– *Лариса Михайловна, паша лектышда куандарыше лийын?*

– Йоча-влак кажне конкурсышто ойыртемалтыныт. «Море – моя жизнь» заочный конкурсышто Арина Данилова, Илья Макаров, Валерия Козлова сенышыш лектыныт. Очный конкурс Судак олаште эртен. Тушко чыла участником экскурсий дене нангаеныт. Олам, Генуэзский орым ончыктеныт. Туштак «Генуэзский курык» сүретым ышташ кўлын. Очный конкурс-плэнэрын шонымашыжак тыгай: темлыме темым шке шинча дене ужын сүретлаш. Тыште Арина Данилован, Динара

Сүретче-педагог-влакын тўнямбал ушемышт май тўналтыште Крымште IV Всероссийский Арт-кампусым эртарен.



ПҮРТҮСШАК СЕНАШ ТАРАТЕН

Шарафутдинован да мыйын пашана-влак сенгыше лийыныт. Пытартыш очный конкурс Шем тенгыз воктене эртен. Аня Дыдычкинан, Валерия Козлован, мыйын сүретна-влак сенгыше радамыш логалыныт. Ойыртемалтше паша-влакым ончерыш чумыреныт.

– *Те Сенгымаш кечым Крымште пайремленда. Могай шарнымаш кодын?*

– Арт-кампусын кажне участникше кочажын але кугезе кочажын портретшым сүретлен да Феодосия олаште «Бессмертный полк» пардыште нумалын эртен. Акцийышке 18 тўжем ен ушнен. Унам вашлийын моштышо, поро кумылан Крымыш каяш ме уэш ямдылалташ тўналына.

Л.ГРИГОРЬЕВА ямдылен.

Поэзий пайрем

Йошкар-Олаште йоча да самырк-влаклан книгагудо поэт В.Х.Колумбын лўмжым нумалеш. Республикысе марий тўвыра рўдер (вуйлатыше Н.В.Пушкина) тений Йошкар-Оласе школлаште тунемше-влак коклаште «Колумб лудмашым» тиде полатыште эртарыш. Книгагудо директор Е.А.Ерпылёва у уверым каласыш: библиотекеште вашке Колумбын салонжо почылтеш. Жюри сенгыше-влакым палемден.

12 ий марте ийготан-влак коклаште:

1-ше вер – **Кристина КРАСНОВА** (13-шо № школ),

2-шо вер – **Индира КИПИНЕН** (Национальный президент школ-интернат),
3-шо вер – **Татьяна ЗЫКОВА** (А.С.Пушкин лўмеш 4-ше № гимназий).

Л.СЕМЕНОВА, жюрин енге.

Республикысе «Колумб лудмаш» 28 июньшто лиеш.



«Ямде лий» газетын Дипломжо ден пөлекшым **Ярослав БУХМИЛЛЕРЛАН** (Семеновка селасе кыдалаш школ) да **Софья ИВАНОВАЛАН** (Национальный президент школ-интернат) кучыктышна.

13-18 ияш ийготан-влак коклаште:

1-ше вер – **Сейран АГАМАЛИЕВА** (3-шо № школ),

2-шо вер – **Ирина КУГЕРГИНА** (Семеновка селасе 21-ше № школ),

3-шо вер – **Полина ВАСИЛЬЕВА** (Национальный президент школ-интернат).

Мурызо кочана

Кочана Вячеслав Михайлович Дудин Марисола школышто музык урокым туныкта. Тудо икымше гана ял клубышто 7 ияшыж годым «Авамлан» мурым мурен. Вара концертлаште выступатлаш тўналын. Йошкар-Оласе культпросвет училищыште тунеммыж годым Россий Федерацийын сулло артистше Н.Т.Ковалева муру тўняшке корным почын. Кочамын ака-изаже-влак М.С.Козловын вуйлатымыж почеш концертлаш ончыктеныт. Тукумыштына улшо талантан родына-влак дене кугешнена.



Виктория ден Дмитрий МАКСИМОВМЫТ.
Шернур район.

Уста күсле

Мемнан тукумыштына тале күсле лийын. Тиде ковамын коважын шолыжо. Тудын лўмжө – Варфоламей Алексеевич Алексеев. Ялыште тудым Варский маньныт. Кочам күслем мастарын шоктен. Отышто кумалме годымат күслем шокташ тудлан ўшаненыт. Рвезыже годым Варский кочам деке Йошкар-Ола гыч уста күсле Павел Тойдемар толын, артистлан нангайынеже улмаш. Но аваже колтен огыл, пашам ышташ күлеш манын коден. Шкежак күслем ыштен. Тудын ыштыме семўзгарже кызытат аралтеш.




Ольга СТЕПАНОВА.
Морко, Шап Унчо.

Шабдар Осыпын «Марий кундем почмылан» почеламутыштыжо могай марий семўзгар-влак нерген ойлалтеш?

Олаште

Ик кечын ме Йошкар-Олашке миен толна. Мыланем олаште пеш келшыш. Тушто мотор деч мотор пушенте, зданий-влак улыт. Ме театрыш пуршына. Тушто «Кузе Артемка тўням утарен» спектакльым ончышна. Спектакль пытымек, мыланна экскурсийым эртарышт. Варажым «Ямде лий» редакцийыш пуршына. Йоратыме газетнан кузе ышталтмыжым эскерышна, модыш денат модна. Кас велеш веле мўнгө портылна. Тиде кечым пеш пайдалын эртарышна.

Эдита АЛЕКСАНДРОВА.
Морко, Арын.



Н. СЕМЕНОВАН фотожо.

Кидыште – кистычке, үстембалне – чия

Нине арвер-влакым Мария Огорельцева кажне кечын кидышкыже налеш да сўретлаш пижеш. Йо-часадыш коштмыж годымак тудо тўрлө сынан сўретым «шочыктен». Мариян Метрий кочаже сўретлаш мастар лийын. «Очыни, кочамын усталыкше мыланем куснен», – шыргыжалын ойла ўдыр. Мастарлыкшым Медведево районысо Юбилейный посёлкысо сымыктыш школышто шуара. Туныктышыжо – Л.Ю.Шадрина. Мариялан портретым сўретлаш келша. «Кажне айдеме шке семынже мотор да ойырте-малтше, – манеш тудо. – Тидым сўретче шекланен шуктышаш да пашаштыже ончыктышаш. Сўретлымаш тўткылыкым вианга, эскераш туныкта, шўм-чоным лып-ландара да уш-акылым луштара».

Л. ГРИГОРЬЕВА.



«Театр розового слона» йомакым самырык драматург Олеся Емельянова возен. Тиде спектакль – ТЮЗ-ын артистше Александр Кожевниковын диплом пашаже. Слон, Коля да Пий тўрлө ситуацийышке логалыт, келшен илаш тунемыт. Спектакльын тўншонымашыже: келшымаште – вий.

Марий самырык ТЕАТР юного зрителя

		улица Вознесенская, 87	
ИЮНЬ	3+	ТЕАТР РОЗОВОГО СЛОНА О. Емельянова Сказка	4 /пт/ 5 /ст/ 10.00 час. 6 /ср/ 7 /чт/ 10.00 час. 8 /пт/ 10.00 час. 15 /пт/ 10.00 час.
	3+	ВОЕННЫЙ ЧЕМОДАН Г. Гордеев Музыкально-игровая композиция	13 /ср/ 14 /чт/ 10.00 час.
	12+	ОКОПНАЯ ПРАВДА СОЛДАТА Музыкально-поэтическая композиция	18 /пт/ 19 /ст/ 10.00 час.




Тўналтыш класслаште тунемше-влакым шымлыме, проект пашалан изинек кумыландыме шонымаш дене Йоца экологий да биологий рўдер «Икымше ошкыл» республикысе конкурсым эртарен. Заочный этапышке 91 йоча ушнен. Очный турышто 59 ўдыр-рвезе тангасен. Конкурс ныл секций дене эртен.

«Кушкыл да кушкылын экологийже» секцийыште икымше верым Курыкмарий район Озёркадйр школ сенген налын. Тиде районак Пйзыкныр школын тунемшыже-влак «Янлык да янлыкын экологийже» секцийыште сенгышыш лектыныт. «Айдемын экологийже да тудын тазалыкше» секцийыште Советский районысо Алексеевский школ сенгыше лийын. Марий Турек район Сысоево школ «Экологий да географий» секцийыште ойыртемалтын.



«Икымше ошкыл» лектышан

Уверым рўдерын сайтше гыч налме.



5 пеледыш лышташан сиреным му.

Ванькан клат корем

Ожно Ванька лўман Ардаш ял марий изи чодыра деч ўлнырак, шола велне, клатым (амбарым) чонген. Шужен ий жапыште (1921-1922 ийлаште) шурныжым клат йымалне шылтен кийыктен. Илен-толын, тудын клат пуражым Тўргым энгер воктене улшо вакш деке волтен шындыныт. Вўдвакш кызытсе Ардаш гыч Пўклендыш кайыме кўвар воктене лийын. Коремым Ванькан клат манаш тўнгалыныт. Ожно, ойлат, тиде корем мучаште яндар памаш лийын.

Даша ХАМИТОВА, 6-шо класс. Пошкырт, Мишкан, Ардаш.

Сылнын-сылнын пеледалтын Ага тылзыште тюльпан. Кайык-влакше йывырталын Мурат шергалтарен

ялнам.

Пеледалтын вет пакчаште, Тамле пушыжым шарен. Тиде кечыла гутлаште Ломбо пуш йырваш шарлен. Кече кўшыч шыргыжеш – Мланде илыш ылыжеш. Тый улат вет мўнгыштет – Шочмо-кушмо ялыштет.

Ирина ПЕТРОВА, Морко, Волаксола.



Нидерландыште 3500 наре сорт тюльпан кушкеш.

Синк-вейн

Куэ

Мотор, сылне.

Куандара, лыпландара, ырыкта.

Куэ пешак йытыра, сылне.

Пушенге.

Юлия ТИМОФЕЕВА.

Морко, Энгерсола.

5 июнь –

✿ **Йырым-йырысе средам аралыме тўнямбал кече** (ООН-н темлымыж почеш 1972 ий гыч палемдалтеш).

✿ **Экологын кечыже** (2007 ий гыч палемдалтеш).

✿ **Вўд шинчыме верлам эрыктыме тўнямбал кече.**

Ава гай шымата

Пўртўс – айдемын шепкаже. Ме пўртўс деч посна илен она керт. Ме тудын деч чылажымат налына: яндар южым, вургемым, кочкышым да молымат. Пўртўс чоным вўчка. Чонлан неле годым, пўртўс лонгаш лектын, ойгынам почына. Тудо ава гай шымата.

Айдеме пушенгым моторлыклан веле огыл шында. Вет тудо коремлан кушкашыже чаракым ышта, айдемылан пўрт шокшым кучаш полша.

Саша МАМАСОВ, 8-ше класс.

Волжский, Кугу Корамас.



Слёт келшымышым пентгыдемда

Ага тылзын 17-18 кечылаштыже Марисола кундемысе Шаба энгер воктене турист слёт эртен.

Тиде мероприятийым Шернур йоча усталык пўрт эртарен. Тушто районысо чыла школ тангасен: Лажъял, Кукнур, 1-ше да 2-шо номеран Шернур школ-влак, Марисола да Мустай. Кажне команде палаткым шынден, кочкаш шолтен. Слётышто тўрлў заданий лийын: спорт ориентирований, куштылго атлетике кросс, этап дене коштмаш... Кастене келшымыш тулото йыр погыненыт. Тушто кажне команде мастарлыкышым ончыктен: йоча-влак мурым муреныт, куштеныт, гитар дене шоктеныт. Слётым иктешлымеке, пале лийын: сенгышыш Мустай школын командыже лектын.

Катя РЫБАКОВА.

2-шо номеран Шернур школ.

Тул дене тўткө лийза!

Марий Эл Республикыште пытаргыш жапыште йочан титакшылан көра ятыр кугу пожар лийын. Изи рвезе-влак тул дене модаш пеш йоратат. Эн лўдыкшыжō: тулотым оралте воктене ылыжатат. Вара йōрташ мондат але тул чот шарлымылан көра лўдыт да йōртенжат огыт керт. Сандене, ача-ава-влак, икшывыланда шырпым, тулым кучылтмо, пожар деч аралалтме правил-влакым уэш-пачаш умылтарыза.

Марий Элын пожар ваштареш кучедалме службо управленийже ушештара:

- ✗ тул дене чот тўткө лийза, поснак кенгежым;
- ✗ шырпым да закигалкым изи йоча налын кертме вереш ида пыште;
- ✗ йочан яра жапшым кузе эртарымыжым, могай модыш дене да кузе модмыжым эскерыза;
- ✗ изирак ийготан икшывым шкетшым суртеш ида

Тений 336 (кодшо ийын 296) пожар ылыжын. Тулеш 17 ең колен.

✗ пōлемым ырыкташ йōнештарыме электроприбором кучылташ, конгаш олгаш йочалан ида пу.
Л.ГРИГОРЬЕВА ямдылен.

Конкурс!

А ТЫЙ
ЯМДЕ ЛИЙМ
НАЛАТ ?!



Пōлек - ТАМЛЕ ТОРТ!

Полина ХНЫГИНАН (Морко, Коркатово) плакатше.



Подпискым ышташ таратыше социальный рекламьм шонен му да группышко тыгай адрес дене колто: https://vk.com/yamde_lii.

Комиксым сўретлен, видеом войзен, плакатым ямдылен але мурым шкеак возен, муралтен кертат. Фантазиетым чўктō! Паша-влакым кенез мучко колташ лиеш. Вучена!

Онгай

Руш йылмыште «пуговица» шомакын мутвожшо «пугать» мутын гаяк. Арам огыл келшен толыт. Ожно полдыш осал вий деч аралтышлан шотлалтын.

Калык пале

Кайышаш корно гоч шем пырыс кудал эрта гын, полдышым кучыман да умбакыже ошкылман.

Кенез

Йырым-йыр сылне кече - Йоча-влакше юарлат. Шергылтеш мемнан кудывече - Помыжалтыныт чылан. Ылыжын мотор пўртўс, Койын тудо сылнештеш. Кайык муро шергылтеш, Кумылнаже нōлталтеш.

Юлия ИВАНОВА.
Кужэгер, Шорсола.



Матвей шольым дене Чебоксар олаште лийынна. Драмтеатрыште «Ош волшебник» йомакым онченна. Чебоксарыште мый икымше гана лийынам. Мыланна ола пеш келшен.

Алексей АНИСИМОВ.

1-ше номеран Морко школ.

Мыйын шонымаште, порылык - тиде сайым ыштымаш. Йолташ-влак дене келшен модман. Шке поро койышым ончыктена гын, мыланнат порылык дене вашештат. Йолташдат шуко лиеш.

Валерия КИРИЛЛОВА.
Морко, Шўргыял.



Сўретым чиялате.

13.00
Центральный парк культуры и отдыха


12 ИЮНЯ

ГОСУДАРСТВЕННЫЙ АНСАМБЛЬ ТАНЦА
«МАРИЙ ЭЛ»
с новой программой
«МАРИШАРК»
...где встречаются влюбленные сердца...

Художественный руководитель СЛАВИК АСМАЕВ
Организатор мероприятия - Маргосфилармония.
Справки по тел: (8362)42-51-83, 42-39-29, filmariel.ru

Реклама.

6 июнь - А.С.Пушкинын шочмо кечыже



КОНКУРС!

**«Икымше
ТРАНСПОРТЕМ»**

Акrostиx


Шокшо кече шога.
Олыкышто пеледыш лойга,
Күшкө кушкеш куанен,
Шокшылан йывырген.
Онжым веле кадырген.
Ольга СТЕПАНОВА.
Морко район.



**Милена
АНДРЕЕВА, 2 ияш.**
Йошкар-Ола.

Паша-влакым 23
июнь марте колтыман,
vk.com/yamde_lii адрес
дене тўшкаш верандена.
3 июль марте йўклаш
лиеш. Эскерыза!

**2 ияш Тимур
АЛЕКСАНДРОВ**
Морко, Весшүргө.



**Тушто: кок
кыза ваш
туви.**

**2 июнь -
таза, чын кочкы-
шын кечыже**

Китайыште пакчасаскам чот йоратат, кочкышыш йуым шагал пыштат, шинчалан соусым ыштат.


Индийыште шуко кочкыш пакчасаска, отызан кушкыл, түрлө специй дене ўэш ямдылалтеш. Тўн йўшлан чайым шотлыман.

Японийыште кочкышыш шинчалым шуко опат, йуым шагал кучылтыт. Утларакше соя продуктым, колым, рисым, тенгыз кушкылым кочкыт.


Италийыште кочкышыш йуым шуко пыштат. Шылым, пастым, пакчасаскам, емыжым йоратен тамлат.



Университетыш тунемаш пураш 794 йодмаш лийын. А түрлө факультет 595 ўдыр-рвезым веле налеш. Мыняр тунемше университетыш тунемаш пурыде кодын?



Ик шырпын вержым вашталтен, рвезе лўмым лудса.



Мыйын уло йолташем,
Тудын лўмжө - Аня.

Аня трудым йората.

Сылнын мурым муралта.

Катя РАССАНОВА.
Морко, Коркатово.

**10
ойыртемем
му.**



Индекс: Марий Элыште,
Пошкырт ден Татарстан
кундемлаште - П4696.
Тираж 1150 экз. Заказ 1083.
Формат - А-4-8.
Директор-тўн редактор
Л.В.Семенова.

УЧРЕДИТЕЛЬ-ВЛАК: Марий
Эл Республикысе култур, печат
да калык-влакын пашаш
шотышто министерстве, «Ямде
лий» газет» кугужаныш уни-
тарный казна предприятий.

Газетым Массовый коммуникаций
сферыште да култур наследиим арал-
ламаште законодательством шуктен шо-
гымым эскерыше Федеральный службыв
Приволжский федеральный округысо управ-
ленийыштыже регистрироватлыме.
Номер - ПИ №ФС 18-1999,
2005 ий 10 февральыште пуымо.

Печатьыш пуымо жап - 14-00,
фактически - 13-00.

Авторын да редакцийн шоныма-
шышт түрлө лийын кертыт. Се-
рвыш-влак мўнгеш огыт колталт.
Ак - кутырен келшыме почеш.

E-mail: yamde_lii@mari-el.ru,
yamde_lii@mail.ru
Сайтын адресше: yamde-lii.pro,
Тел. 8(8362) 45-22-82
(факс).

Газетым редакцийыште погмо да верстатлыме, «СТРИНГ»
ИПФ ООО-што ямде оригинал-макет гыч
савыктыме. Типографийын адресше:
424006, Йошкар-Ола, Строитель урем, 95.

Газетым Печать да массовый
коммуникаций шотышто
Федерал агентствын окса
полшыж дене лукмо.

0+

Редакцийын да издательын адрес-
ше: 424006, Йошкар-Ола, СССР
Вооружённый Вийын
70-ше идалькыше урем, 20
(юридический)
Энерубал Амстердам, 1
(фактический).